

Վ Ա Ճ Ա Ռ Ա Կ Ա Ն

Թիֆլիսի առևտրական գազեր:

Հրատարակում է շաբաթը մէկ անգամ կէս թերթ, կիրակի օրերով: 10 ամսայ դինը Մարտից մինչև Յունիս: Բարձրագոյն 2 ման. 50 կոպ., դուրսը՝ 3 մանկ.:

ՇԱԲԱԹԱԿԱՆ ԹԵՐԹ

(Ա.Ռ.Ա.Ջ.Ի.Ն.ՏԱՐԻ)

Գաղթին ստորագրվել կարելի է խմբագրողի մօտ: Գաղթի մը հրատարակելու կընդունվին մասնաւոր յայտարարութիւններ: Գների մասին կարելի է խմանալ խմբագրատանը:

ԲՈՎԱՆԴԱԿՈՒԹԻՒՆ:

Խմբագրութենից: Տէրութենի կարգադրութիւնները: Պետերբուրգումը կազմված Ռուսաստանի տեղեկագրի ընկերութիւնը: Թիֆլիսի փոշտայի կառավարութենից: Փոշտի կառքերի կառավարութենի ղեկավար կոնտորից: Կովկասեան Գոստարքայի ղեկավար կառավարութենի մեծ Բարոն Ա. Նիկոլայու մօտին: Էյի վեկալիների մօտին: Առողջութիւնը ուսումնարանների մէջ: Հանդուցեալ հայրանդեանցի վրայ երկու խօսք: Ձանազան տեղեկութիւններ: Առևտրական տեղեկութիւններ:

ԽՄԲԱԳՐԱՏԱՆԻՑ:

Վաճառականի գաղթի խմբագրութիւնը յայտնում է, որ գեո. էլի շարունակվում է էս գաղթին ստորագրվելը և բոլոր նոր ստորագրվողները կստանան գաղթը 1 №-ին սկսած:

Երբ որ կհատնին «Վաճառականի» սակաւաթիւ մնացած 1-ն նումերները, կյայտնենք մեր առաջաց ստորագրվողներին տեղեկենալու:

ՏԵՐՈՒԹԵՆԻ ԿԱՐԳԱԳՐՈՒԹԻՒՆՆԵՐԸ:

ՊԵՏԵՐԲՈՒՐԳՈՒՄԸ ԿԱԶՄՎԱԾ ՌՈՒՍԱՍՏԱՆԻ ՏԵԼԵԳՐԱՖԻ ԸՆԿԵՐՈՒԹԻՒՆԸ:

Էս տարի ապրիլի 14-ին Պետերբուրգումը առևտուր անող Հոստաֆ Հաուֆ և ընկ., Կարլ Շպիլդեր, Ղենենաուն և ընկ., կոմբընի սովետնիկ Յ. Գլազունովը և տխուրեարնի սովետնիկ Տրուբնիկովը կառավարութենից իրաւունք ստացան Ռուսաց տեղեկագրի ընկերութիւն կազմելու: Դրանք կ'սկսուին և կհանդուրեն

նրանց մօտ ստորագրված մասնաւոր մարդկանց՝ թէ քաղաքական և թէ առևտրական գործերին վերաբերեալ ղեպեշաներ:

Էդ ընկերութենի կազմողները տեղեկագրի, կառավարութենի հետ էս հետեալ պայմաններն են դրել:

1.) Էդ ընկերութիւնը պէտք է դրանվել Պետերբուրգումը և թղթակիցներ կունենայ Ռուսաստանի միւս քաղաքներումը և նմանապէս սահմանիցը դուրս:

2.) Էդ ընկերութենի թէ ուղարկված և թէ ստացած ղեպեշաները ենթարկվում են էս կանոններին, որ սահմանված են տեղեկագրի կառավարութենից:

3.) Ռուսաստանի տեղեկագրի ստանցիաները պէտք է ընդունեն քաղաքական գործերին վերաբերեալ ղեպեշաները ուղարկելու ինչպէս ընկերութենից, նմանապէս և նրա թղթակիցներից:

4.) Գեպեշաների առանձին ապելու համար պէտք է ունենալ խմբագրող, որն որ հաստատվում է տպագրութենի գործերի գլխաւոր կառավարութենից և պատասխանատու է դառնում օրէնքների առաջ միւս խմբագրողների պէս:

5.) Եթէ էդ ընկերութիւնը ում և իցէ սխալ գեպեշա ուղարկէ, էն ժամանակը դա կպարտաւորվի տեղութենից՝ շուտով ուղարկել էն մարդուն սխալ գեպեշայի տեղ ուղղածը իր ծախսով:

6.) Էս Ռուսաց տեղեկագրի ընկերութենի հաստատվելով մասնաւոր մարդիկը չեն կորցնում իրանց սեփական թղթա-

կիցներից. կամ գործակալներից իրանց հարկաւոր տեղեկութիւններ ստանալու իրաւունքը: Մասնաւոր մարդիքը կարող են նմանապէս, տեղութենի հրամանով, սրա նման ընկերութիւններ կազմել:

ԹԻՖԼԻՍԻ ՓՈՇՏԱՅԻ ԿԱՌԱՎԱՐՈՒԹԵՒՆԻՑ:

Թիֆլիսի փոշտայի կառավարութիւնը յայտնում է հասարակութենին, որ էս յունիսի 12-ից մինչև սեպտեմբերի 1-ը Թիֆլիսից Կոջոր ղիլիժաններ կման գան: Թիֆլիսից ղիլիժանները կդուրս գնան դէպի Կոջոր ամեն օր, առաւօտեան 7 սահաթին: Կոջորից յետ կգան ղիլիժանները երեկոյեան 6 սահաթին: Բացի էդուրից շաբաթ օրերով, ճաշից յետոյ առանձին ղիլիժանս կերթայ դէպի Կոջոր, իսկ կիրակի օրերով կերթան էն տեղ երկու ղիլիժաններ, որոնցից մէկը յետ կդառնայ թէ չէ, էլի դարդակ կերթայ պատաժիւրների (ղիլիժանսի մէջ նրստողներ) համար, որոնք կ'մնան Կոջորում մինչև երկուշաբթի յետոյ երկուշաբթի առաւօտեան 6 սահաթին յետ է գալիս էդ ղիլիժանը Թիֆլիս:

Դիլիժանսի մէջ նստելու գները առաջվաններն է՝ կողքին նստելու դինը 1 մ. է և յետևինը 75 կոպ. մէկ դնալու, կամ մէկ գալու համար:

Տեղերի տոմսակները կարելի է ամեն ժամանակ ստանալ փոշտայի կառավարութենումը ղիլիժանսների գործերը կատարող ճիւղից:

ՓՈՂՏԻ ԿԱՌՔԵՐԻ ԿԱՌԱՎԱՐՈՒԹՅՆԻ ԳԼԽԱՒՈՐ ԿՈՆՏՈՐԻՑԻՑ

Փողի կառքերի կառավարութենի
գլխաւոր կոնտորը յայտնում է հասարակութեան, որ Կովկասի փոխարքայ Մեծ Իշխան Միխայէլ Նիկողայեւիչի հրամանով ամսական ժամանակները յունիսի 5-ից սկսած Թիֆլիսից բոլորում փողի օմնիքուսներ կերթան ու կգան:

ԿՈՎԿԱՍԵԱՆ ՓՈՒՍԲԱՐՔԱՅԻ ԳԼԽԱՒՈՐ ԿԱՌԱՎԱՐՈՒԹՅՆԻ ՄԵՏ ԲԱՐՈՆ Ա ՆԻԿՈԼԱՅՈՒ ՄԱՍԻՆ:

Որովհետեւ Կովկասեան փոխարքայի կառավարութենի Գլխաւոր՝ Բարոն Ա. Նիկողայեւի գնաց ամառանոցը, էս պատճառով նրան խնդիրներ տալու համար նշանակվում է չոլեքշաբթի օրը Կոնտորումը խալթեանցի տանը:

Թ Ի Ֆ Լ Ի Ս

յունիսի 11-1866.

Մեզանից ամեն մէկը թէ տալու ունէ է թէ ստանալու, կամ ինքը պարտ է, կամ իրան պարտ են, ուրեմն մինը ամենքս միմեանց կարօտութիւն ունինք և էդ պատճառով ամենքս պէտք է օգնենք միմեանց, երաշխաւոր դառնանք միմեանց համար և էդպիսով թոյլ չտանք միմեանց աղքատանալու և կուտրանալու: Հշմարտութիւնը, մեր անձնական օգուտը և ընկերական կեանքը պահանջում են էդ բաները: Առանց միմեանց օգնելու և միմեանց երաշխաւորութիւն ունենալու չկայ և չի կարող լինիլ հասարակական կեանք:

Ինչպէս արդէն ասացինք անցեալ անգամը, վեկսիւնների գործածութիւնը օրէցօր շատանում է. «հաւաս» (էհտիւար) ունեցէք, երաշխաւոր էլէք միմեանց համար» — ասան վեկսիւնի բարոյական նշանակութիւն, որն որ ձեռք է ձեռք է անց կենում և էդուրով փողի տեղ գործ է տեսնում առեւտրական աշխարհումը:

Ենպէս ասա երկու տեսակ վեկսիւն կայ՝ 1.) մ ա ս ն աւ ո ռ — էրը որ վրէն միմայն մէկ մարդու ստորագրութիւն կայ և 2.) հ ա ս աւ ո ռ ա կ ա ն — էրը որ վեկսիւնի ստորագրողները կամ պարտաւոր անձները շատ են, Բայց ինչի է էս երկրորդը աւելի գործածական, քան թէ առաջինը. վերջապէս ինչի է ոսկէ ու արծաթէ փողը աւելի դուրս գնում, քան թէ վեկսիւնը:

Թագաւորական կնիքը վրէն ունեցող ոս-

կէ կամ արծաթէ փողը, ինչպէս անցեալ անգամն էլ ասել էինք, է անժամանակ և անանուն վեկսիւն, որ տվում է ամենքի աւանդում, որի վրայ կայ հասարակութեան և րաշխաւորութենի նշանը, այս ինքն թագաւորական կնիքը: Ուրեմն եթէ ամեն մասնաւոր վեկսիւնի փոխանակ, որի վրայ նշանակվում են դանդաղան մանրամասն հանգամանքներ (թիւը, վեկսիւն տվողների անունները և ստորագրողները, վճարման ժամանակը, տեղը, դուռը և այլն) դուրս տալ ան աւանդում և ան ժամանակ վեկսիւնները էնպէս, որ էլ հարկաւոր չլինի ոսկու ու արծաթի վրայ խուրդայ անելը, էն ժամանակը ոսկին ու արծաթը կդառնայ հասարակ ապրանք և էլ դրանցից փող կտրելը աւելորդ կլինէր:

Ասենք թէ մէկ 5, 10, 15 հազար վաճառականներ միասին ընկերութիւն կազմելով առանց գումարի, առանց փողի, պայման դրնէին իրանց մէջ միմեանց վեկսիւնները վեր առնել փողի տեղ: Ասենք թէ էդ վաճառականները իրանց առեւտրը հնչադանելու համար կազմէին մէկ ան փ ո ղ, ան գ ու մ ա ռ, կամ պարզ ասենք անոսկի բանկ, որը որ միշտ ընդունէր մասնաւոր վեկսիւններ և տեղը դուրս տար անանուն, անժամանակ տոմսակներ իր կնիքը վրէն և մի և նոյն ժամանակը ի հարկէ բանկի համար վեր առնէր $\frac{1}{2}$ -ից մինչև $\frac{1}{10}$, էն ժամանակը կուտրութիւնները ի հարկէ կրկնապիս, փողի պակասելու դանդաղան էլ չէր լավիլ և առեւտրը էնպիսի անհիմն սկզբունքների վրայ չէր լինի հաստատված, ինչպէս որ հիմի: Միթէ աւելորդ կլինէր էդպիսի բանկերի հիմնարկութիւնը մանաւանդ հիմի, երբ ամենքը դանդաղում են թանկութենի և փողի պակասութենի վրայ: Հիմի առհասարակ ամեն երկիրներումը անփողութիւնը վախեցնում է ամեն մասնաւոր մարդկանց, ամենքը ազահութենով պահում են ոսկին ու արծաթը, և դէպի միմեանցը էհտիւրար չունին: Երբ որ մէկ տեղ լավում է թէ փող չկայ և փնտրում են մէկ հնարը փողի պակասութիւնը լրացնելու, էդ ժամանակն աչքը վախեցած և յետադէմ մարդիկը խորհուրդ են տալիս — պահել, փողով վել, շահով տալ, տեղը ի հարկէ լաւ դրաւ վեր առնելով: Փողը — առեւտրուրի չարիքն է, փողն է պատճառը առեւտրական բոլոր գործերի խափանութեանը, դէպի միմեանց էհտիւրար չունենալունը, էն ազահութենինը և ահուգողինը, որ փողի պակասութենի ժամանակը տիրում է մեր վաճառականներին: Փողը ամեն ժամանակ պատճառն է էն պա-

տիրադմի, որ լինում է փողատէրներին ու զառափներին (մէկ կողմից) և վաճառականներին ու ֆարրիկանտների (միւս կողմից) մէջ: Փողի պակասութենի ժամանակը ի հարկէ աւելի վնասվում են վաճառականները ու գործարանների տէրերը, որովհետեւ էդ ժամանակը բարձրանում է փողի շահը, էդ պատճառով դժուար է լինում փող վեր առնելը, մեծ գործ կատարելը, ուրեմն գործը քչանում է, պարտոյ մարդիկ շատանում են, թանկութիւն է ընկնում, ապրանքները քիչ են ծախվում, վաճառականները ու ֆարրիկանտները վնասվում են, ու էդպիսով խլվում է մշակ մարդկանց օրական հացը: Փողի պակասութենի ժամանակը ֆարրիկանտը և գործարանի տէրը իրանք թանկ առնելով չմշակած ապրանքները, քիչ էլ ցանկացողներ են գտնվում նրանց ապրանքների շինել տալու, էդ պատճառով քիչ ապրանքների են չլինում, արձակում են աւելորդ մշակներին և պակասացնում են էն մշակների օրական վարձը, որոնք մնում են նրանց մօտ մշակութիւն անելու: Փողի պակասութենի ժամանակը վաճառականները իրանց ապրանքների դները բարձրացնում են, որովհետեւ իրանք էլ թանկ են առած և բայց էդ դրանք հաւատացած չեն, որ պէտք է ծախվի էդ ապրանքը և վերջապէս որովհետեւ հաւատարի դիտեն, որ ոչով էդպիսի ժամանակում իրանցից աժան չի ծախվի: Փողի պակասութենի ժամանակը առանց օգուտի և աժան գնով ապրանք ծախողները էն մարդիկն են միայն, որոնք կուտրանալու վտանգի մէջն են և ուրեմն կամայ ակամայ տոխրված են ինչպէս պատահի ծախելու և փող ստանալու պատրքերը վճարելու համար:

Ա. Ե.

ԱՌՈՂՋՈՒԹԻՒՆԸ ՈՒՍՈՒՄՆԱՐԱՆՆԵՐԻ ՄԷՋ:

Ժողովրդի առողջութենի համար արած հոգսերիցը գլխաւորը ի հարկէ պէտք է լինի ուսումնարանների մէջ երեխաների մարմնի կանոնաւոր զարգացումը: Բայց հիմիկվան ժամանակներումը թէպէտ ուսումնարանները շատ փոփոխութիւնների տակն ընկան դէպի լաւը, շատ էլ հեռացան դրանք առողջութենի կանոններից, երեխաների բարոյական և մարմնաւոր զարգացմանից:

Ամենքը դանդաղում են, որ ուսումնարաններումը մտքի և սրտի զարգացումը միատեսակ չէ առաջանում մարմնի զարգացման

և բթամիտ մարդիկ, որոնք թէպէտ և կենդանի կողորս գնն ուսումնարանից, բայց վնայ էն չենդանութեանն:

ՀԱՆԳՈՒՑԵԱԼ ՆԱԼԲԱՆԳԵԱՆՅԻ ՎՐԱՅ ԵՐԿՈՒ ԽՕՍԲ:

Մենք իր ժամանակին յայտնեցինք մեր ընթերցողներին Մ. Նալբանդեանցի մահի տըխտը լուրը և նրա մարմնի Նոր Նախիջևան բերելը և թաղելը:

Հիմի «Մեղու Հայաստանի» դադելթումը տպած Նախիջևանից ստացած նամակիցը հաղորդում ենք մեր ընթերցողներին նրա մասին մէկ քանի մանրամասը տեղեկութիւններ:

Միքայէլ Նալբանդեանցը ծնվել է նոր Նախիջևանում 1830 թիւ հոկտեմբերի 27-ին: Երեխայութենից երեսու է էլէլ սրա եռանդը դէպի ուսումնասիրութիւնը: Սովորում է էլէլ սա Տէր Գաբրիէլ Պատկանեանի մօտ մինչև 1846 թիւը: Սրա մօտ սովորելիս Նալբանդեանցը եկեղեցումը դպրութիւն էլ է էլէլ անում: 1847 թիւն գալիս է նոր նշանակած Նախիջևանի և Բևառարիայի Մատթէոս արքեպիսկոպոսը և վեր է առնում Նալբանդեանցին իրա մօտ քարտուղար է կարգում: Վեց տարի քարտուղարութիւն է անում: 1853 թիւն գնում է Մոսկով և Պետերբուրգ, համալսարանումը հարցաքննութեաց յետոյ, ստանում է վարժապետութենի կոչումը և Մոսկովի Լազարեանց ուսումնարանումը հայոց լեզուի վարժապետ է կարգվում: Քիչ ժամանակից յետոյ թողնում է սա էդ պաշտօնը և Մոսկովի համալսարանումը լսում է էլէլ բժշկականութիւնը: 1858 թիւն Նալբանդեանցը դիտաւոր աշխատակից դառաւ Պ. Նազարեանցի հրատարակած «Հիւսիսարիայը անունով ժուրնալինը:

1857 և 1858 թիւերին, երկու անգամ դընաց Նալբանդեանցը սահմանիցը դուրս, ման եկաւ Կ. Պոլիս, Պարիժ, Վիննա և ուրիշ տեղեր և ծանոթացաւ ամեն տեղ էլ հայերի հետ:

1860 թիւն Պետերբուրգի համալսարանումը հարցաքննութեաց յետոյ ստացաւ Արեւելեան լեզուների կանդիդատի կոչումը:

Բայց Մ. Նալբանդեանցի անմոռանալի և արդիւնաւոր դրոժը Հնդկաստանումը Նոր Նախիջևան քաղաքի համար կտակ արած փողերի բերելն է: Նոր Նախիջևանի հիմնվելուց յետոյ Հնդկաստանի հարուստ հայերը փողեր էին կտակ արել Նախիջևան քաղաքի համար: 70 տարի էր էն փողերը էնտեղ ժողովելում էին և Նախիջևանի մէջ բնակւող

հայերից ոչ մէկը չէր վտաճանում գնալ և բերել փողերը—կորածի հաշուան էին: Նալբանդեանցը յանձն առաւ էդ փողի բերելը, ընտրվեցաւ Նախիջևանի հայերի հասարակութենի կողմից երեսիրտ և գնաց Կալիթա: Էդտեղ դա մեծ դժուարութիւններին յաղթելով վեր առաւ կտակ արած փողերը և 1862 թիւն բերեց Նախիջևան:

Բայց էդ ժամանակից սկսած նրա օրերը անմխիթար անց կացան և էս տարի մարտի 31-ին 36 տարեկան հասակումը վախճանվեցաւ:

ԶԱՆԱԶԱՆ ՏԵՂԵԿՈՒԹԻՒՆՆԵՐ:

Հաւասարութիւնը կանոնի առաջ:

Գեներալ-Լէյտենանտ Գրանտը, հիւսիսային Ամերիկայի երեկելի զօրապետը էս մօտիկ ժամանակներումը Վաշինգտոն քաղաքումը բռնվեցաւ քուչաներումը իր կառքը շատ շուտ քշելու համար: Բռնվիլ չկամեալով սա իր յանցանքի համար հանեց տալիս էր պոլիցիականին նշանակած տուգանքը, բայց պոլիցիականը յայտնեց նրան, որ իրան տված կանոնները չի կարող դա փոխիլել, վասն որոյ պահանջեց Գրանտից, որ նա հետևի իրան: Գրանտը հնազանդվեցաւ պոլիցիականին, կանոնի պատուր պահպանելու համար:

Մի և նոյն բանը պատահեցաւ և Լինկոլնին էն ժամանակը, որը որ դա Միացեալ Նահանգների պրեզիդենտ էր: Սրա կառավարը չէր քշում կառելթը քուչայի մէջ տեղը, այլ քուչայի կողքով: Կանոնով արգելված է քուչայի կողքով կառքի ման անելը, էդ պատճառով երբ որ պոլիցիականը տեսաւ Լինկոլնի կառքի կանոնի ընդդէմ վարվիլը, դնաց, կանգնեցրուց և պահանջեց հետևի իրան պոլիցիան: Կառավարը չէր համաձայնում, բայց Լինկոլնը, որ իմացաւ բանի զօրութիւնը, հրամայեց իր կառավարին կատարել պոլիցիականի հրամանը: Կանչեց Լինկոլնը պոլիցիականին, նստեցրուց իրա հետ կառքի մէջ: Գնացին նրանք միասին պոլիցիան և Լինկոլնը վճարեց իր արած յանցանքի համար կանոնով նշանակած տուգանքը:

ԱՌՆԵՏԱԿԱՆ ՏԵՂԵԿՈՒԹԻՒՆՆԵՐ:

Լօնդոն մայիսի 18.

Ամեն կողմից լսվում են դեռ էլի կուտրութիւնների համբաւները, զարմանալի կերպով զոհ են լինում էդ բանին Անգլիայի մանր քաղաքների խեղճ բնակիչները, որոնք իրանց ունեցած բոլոր հարստութիւնները և իրանց հաւատքը հաւատարմութեամբ են տալիս իրանց հայրենի երկրին:

Լիայի մանր քաղաքների խեղճ բնակիչները, որոնք իրանց ունեցած բոլոր հարստութիւնը էդ բանիւրումն էին դրել: Խեղճութիւնն էն տեղն է հասել, որ շատ զերդաստաններում որ սրանից առաջ ճաշը տեսակ տեսակ կերակուրներից էր լինում բաղկացած, այժմ շաբաթը մէկ անգամ հազիւ են միս առնում: Շատ զերդաստաններ ընկերութիւններ են կազմել կերակրելի աժան պաշար տանելու մտքով: Հարիւր հազարներով աղքատացած զերդաստաններ մնացին առանց հացի:

Լսվում է, որ Անգլիայի միջնորդութեանով Ֆրանսիայի բանկը մտադիր է Անգլիայի բանկին օգնութիւն հասցնելու: Թէ և Անգլիայի բանկը ստացաւ իրաւունք իր կարգիցը դուրս տունակներ դուրս տալու, բայց մինչև էսօր չէ սկսել էդ բանը: Էս մէկ շաբաթում մէկ քանի միլիոնի ոսկի է բերած Ամերիկայից, բայց բիրժայի վրայ քիչ ազդեցութիւն ունեցաւ էդ բանը:

Օդեսա մայիսի 13.

Կուրսը Մարսելի վրայ 275 սանտիմ:
Պետերբուրգ մայիսի 25.

Կուրսը Լոնդոնի վրայ . 26 1/2 պէնս:
Պարիժի վրայ . 271 1/2 սանտիմ:

50% Լատարեյով առաջին փոխառութեան տոմսակները . . . 110 ման:

50% Լատարեյով երկրորդ փոխառութեան . . . 105 1/2 ման:

Ոսկին . . . 7 մ. 57 կ.

Թիֆլիս 1866 յունիսի 11.

Թէեւ էս շաբաթ մօտ 40 հազար բաւական ծախուեց 10 մ. 50 կ., բայց դարձեալ բամբակի ոչ առուտուր կայ և ոչ մազանդայ:

Բուրդը 4 մ. մինչև 8 մ

Լեղակը . . . 160 մ:

Ինդիկոն շաքարը . . . 10 մ. 60 կ.

Ռաիկը . . . —

Արծաթը 72 պրօբի . . . 70 մ.

— 84 պրօբի . . . 300 մ.

Ոսկին . . . 7 մ. 25 կ.